



Na osnovu člana 38. Statuta Grada Sarajeva ("Službene novine Kantona Sarajevo", broj 34/08- prečišćeni tekst) raspisuje:

**JAVNI KONKURS
za izradu idejnog rješenja za suvenire Grada Sarajeva**

I Predmet Konkursa

1. Predmet Konkursa je izbor idejnog rješenja suvenira Grada Sarajeva, po kategorijama:

- I Suvenir s odgovarajućim pakovanjem velike vrijednosti – cca 200,00 KM
- II Suvenir s odgovarajućim pakovanjem srednje vrijednosti – cca 100,00 KM
- III Suvenir s odgovarajućim pakovanjem manje vrijednosti – cca 50,00 KM
- IV Suvenir s odgovarajućim pakovanjem male vrijednosti – cca 10,00 KM

Cijena je izražena po jediničnoj vrijednosti.

2. Suvenir treba da bude odraz tradicije, multietničnosti, kulturno-istorijske i materijalne baštine, te da izražava autentične prirodne i turističke vrijednosti i atraktivnosti Grada Sarajeva ;
3. Suvenir treba da bude izrađen prema ideji autora, sa opisom izrade, veličine, boje i materijala od kojeg će se proizvoditi. Za izradu se mogu koristiti različiti materijali, npr. metal, keramika, kamen, terakota, drvo, staklo, papir, plastika i sl. Poželjno je da se za izradu suvenira koriste autohtoni materijali, tj. materijali koji su prepoznatljivi za Grad Sarajevo;
4. Radovi mogu biti u nekoj od slijedećih formi:
 - Tradicionalni suvenir: ručni radovi, ukrasni i upotrebni predmeti od papira, tekstila, keramike, drveta, plastike, slame i sl., odjevni predmeti, vez, tkani predmeti, i sl.
 - Umjetnički suveniri: replike gradskih zdanja i drugih prepoznatljivih građevina ili autentičnih prirodnih vrijednosti Grada Sarajeva,
 - Urbani suvenir: razglednice, okviri za fotografije, privjesci, podmetači za čaše, magneti, markeri za knjige, kalendari i sl.,
 - Drugi upotrebni ili ukrasni predmeti: flaše, šolje i sl.
 - Ostali predmeti ili radovi koji uključuju nove tehnologije-multimedija.

II Uslovi konkursa

1. Pravo učešća na Konkursu imaju sva pravna i fizička lica.
2. Članovi konkursne komisije i njihova bliska rodbina ne mogu biti učesnici Konkursa.
3. Autor treba dostaviti jedan primjerak idejnog rješenja suvenira u originalnoj veličini i materijalu, sa objašnjenjem ideje, a dostavljanje prijedloga vrši se na slijedeći način:



a) U zatvorenoj koverti (kutiji) sa naznakom „*Konkurs za izradu idejnog rješenja suvenira Grada Sarajeva*“, dostavlja se idejno rješenje suvenira sa šifrom autora, anonimno bez imena i oznaka autora;

b) U posebnoj, zatvorenoj koverti, priloženoj uz kovertu ili kutiju, označenu istom šifrom, dostavljaju se kontakt podaci o autoru uz naznaku „*Suvenir – podaci o autoru*“ sa slijedećim podacima:

- podaci o autoru (ime, prezime, JMB, adresa, općina, broj telefona, e-mail adresa),
- opis materijala i postupak izrade i pakovanja,
- procjenu vrijednosti izrade na uzorku od 100 komada,
- izjava da je predloženi rad djelo autora uz svojeručni potpis autora,
- pravna lica, pored navedenog, trebaju dostaviti naziv i ovjerenu kopiju rješenja o registraciji.

4. Svaki autor može dostaviti više prijedloga. U tom slučaju svaki rad mora biti dostavljen kao posebna pošiljka i na način utvrđen u tački II- 3. ovog Konkursa.

5. U slučaju da suvenir bude izabran, autorska prava, odnosno pravo na komercijalno iskorištavanje istog prelaze na Grad Sarajevo, pod uslovima koji će biti regulisani posebnim ugovorom.

II Kriteriji Konkursa

1. Suvenir Grada Sarajeva treba da predstavlja proizvod namjenjen isključivo za potrebe reprezentacije Grada Sarajeva i neće se moći proizvoditi za slobodno tržište.
2. Suvenir Grada Sarajeva treba da zadovolji umjetničke i proizvodne standarde.
3. Suvenir Grada Sarajeva treba imati elemente prepoznatljivosti lokalne sredine i biti odraz tradicije, multikulturalnosti, kulturno-istorijske i materijalne baštine Grada Sarajeva.
4. Za izradu se mogu koristiti različiti materijali (npr. keramika, metal, glina, gips, vosak, kamen, terakota, drvo, tekstil, staklo, papir, plastika i sl.).

IV Komisija za izbor suvenira

1. Gradonačelnik Grada Sarajeva imenuje Komisiju za izbor idejnog rješenja suvenira Grada Sarajeva. Komisija obavlja postupak izbora suvenira i sastavljena je od stručnih lica iz oblasti turizma, umjetnosti, dizajna, arhitekture, etnologije, lokalne administracije, medija i sl.
2. Komisija će pri izboru vrijednovati:

- kvalitet ukupnog koncepta,
- prepoznatljivost,
- veza sa tradicijom i kulturnim nasljeđem,
- originalnost i inovativnost,
- tehnička izvodljivost i mogućnost serijske proizvodnje,
- praktičnost i moguća primjena u svakodnevnoj upotrebi,
- ekonomska pristupačnost proizvoda.

V Nagrade

1. Ukoliko Komisija za izbor suvenira Grada Sarajeva utvrdi da je kvalitet pristiglih radova zadovoljavajući, donijeće se odluka o dodjeli novčane nagrade, i to:

1. nagrada u kategoriji “Suvenir s odgovarajućim pakovanjem velike vrijednosti” – 1.000,00 KM.
1. nagrada u kategoriji “Suvenir s odgovarajućim pakovanjem srednje vrijednosti” – 500,00 KM

1. nagrada u kategoriji “Suvenir s odgovarajućim pakovanjem manje vrijednosti” – 300,00 KM
1. nagrada u kategoriji “Suvenir s odgovarajućim pakovanjem male vrijednosti” – 100,00 KM
2. Predviđena je mogućnost da se sa autorom nagrađenog rješenja, ukoliko autor može proizvoditi suvenir koji je nagrađen i otkupljen, sklopi Ugovor o izradi suvenira u skladu sa zakonom. Za realizaciju izrade suvenira biće sklopljen poseban Ugovor, s klauzulom da se suvenir-predmet ugovora izrađuje samo po narudžbi Grada Sarajeva, te da je isti moguće brendirati/etiketirati kako bi sve kategorije poklona imale istu vizuelnu nit (npr. logo Grada i sl.)
3. Ako Komisija odluči da nijedan od prispjelih prijedloga ne zadovoljava kriterije Konkursa, Komisija zadržava pravo da ne izabere nijedno rješenje, kao i eventualnu mogućnost preraspodjele konkursnih nagrada.
4. Isplatom nagrade autora, autorska prava prelaze na Grad Sarajevo.
5. Ukoliko se naknadno utvrdi da je izabrani suvenir plagijat, Komisija zadržava pravo da poništi Odluku o nagradi, a nagrađeno lice je dužno vratiti novčani iznos nagrade.

VI Rok za dostavljanje radova i donošenje odluke o izboru

1. Prijedloge dostaviti u roku od **30 (trideset) dana** od dana objave na web stranici Grada Sarajeva. Prijave se mogu dostaviti lično u prostorije Grada Sarajeva ili putem pošte na adresu: Grad Sarajevo, Hamdije Kreševljakovića br. 3, 71000 Sarajevo.
2. Radovi koji budu dostavljeni poslije navedenog roka, kao i radovi koji ne budu dostavljeni u formi i na način pod uslovima utvrđenim u tački II - 3. ovog Konkursa, neće biti ocjenjivani.
3. Obavještenje o rezultatima Konkursa bit će objavljeni na web stranici Grada Sarajeva. Prijedlozi suvenira koji ne budu izabrani će biti vraćeni autorima uz mogući otkup suvenira na prijedlog Komisije.
4. Svojom prijavom učesnici neopozivo prihvataju sve uslove Konkursa.

Sve dodatne informacije zainteresovani mogu dobiti na brojeve telefona **+387 33 221 154** (Denis Kovačević ili Ozana Lučić-Marilović)

Vrijeme i mjesto proglašenja najboljih kao i svečana dodjela nagrada biće naknadno objavljeni na web stranici Grada Sarajeva.

Broj: 01-05-6100/17
Sarajevo, 29.11.2017. godine

Gradonačelnik

mr. Abdulah Skaka